

Na osnovu provedenog postupka u skladu sa Zakonom o javnim nabavkama Bosne i Hercegovine, ("Službeni Glasnik BiH", broj 39/14), a na osnovu provedenog Konkurentskog zahtjeva za dostavu ponude, broj: 05.12.100-2291-2/17 od 26.04.2017.godine, te Odluka o izboru najpovoljnijeg ponuđača Direktorice Zavoda za javno zdravstvo Kantona Sarajevo broj: 05.12.100-2291-Odluka o izboru/17 od 11.05.2017.godine, kojom je prihvaćena Ponuda ponuđača „CONNEXIT“ d.o.o. Sarajevo kao najpovoljnije i kojom se ponuđaču „CONNEXIT“ d.o.o. Sarajevo dodjeljuje Okvirni sporazum za sukcesivnu nabavku RAČUNARA I RAČUNARSKE OPREME za potrebe J.U. Zavoda za javno zdravstvo Kantona Sarajevo, zaključuje se sljedeći:

OKVIRNI SPORAZUM ZA JAVNU NABAVKU RAČUNARA I RAČUNARSKE OPREME

J.U. ZAVOD ZA JAVNO ZDRAVSTVO KANTONA SARAJEVO, ulica Dr.Mustafe Pintola broj 1/III Ilidža - Sarajevo, identifikacioni broj:4200329950003, koga zastupa Dr med. sci. Snježana Balta, primarius, direktor (u daljem tekstu: Ugovorni organ)

i
„CONNEXIT“ d.o.o. Sarajevo, ul. Branilaca Sarajeva br. 20. Identifikacioni broj: 4201217420008, koga zastupa, direktor: Benijamin Hadžalić, (u daljem tekstu: Izvršilac) zaključili su:

I PREDMET OKVIRNOG SPORAZUMA

Član 1.

Predmet ovog Okvirnog sporazuma je nabavka RAČUNARA I RAČUNARSKE OPREME za potrebe JU Zavoda za javno zdravstvo Kantona Sarajevo, a prema ponudi, broj: 034/17 od 10.05.2017. godine koja je sastavni dio ovog Okvirnog sporazuma.

Ovim Okvirnim sporazumom ugovorne strane su saglasne da mogu tokom cijelog ugovornog perioda zaključivati ugovore iz oblasti za koje je proveden konkurentski zahtjev za dostavu ponude.

Član 2.

Ugovorni organ naručuje predmetne robe, a Izvršilac prihvata da isporučuje iste, a na osnovu provednog postupka javne nabavke putem konkurentskog postupka i Odluke Ugovornog organa o izboru najpovoljnijeg Ponuđača.

Član 3.

Ugovorni organ i Izvršilac su saglasni da Okvirni sporazum realizuju prema već definisanim uslovima u Obavještenju o javnoj nabavci putem Konkurentskog postupka (u daljem tekstu: Obavještenje) i prema tenderskoj dokumentaciji za ugovor o javnim robama (u daljem tekstu: Tenderska dokumentacija) i to:

Ugovorni organ prema zahtjevima u Obavještenju i Tenderskoj dokumentaciji

Dobavljač, prema dostavljenoj ponudi i dokumentaciji sa preciziranim ponuđenim uslovima u prijavi na konkurentski zahtjev.

II UGOVORENA CIJENA, GARANCIJA ZA DOBRO IZVRŠENJE POSLA, OBRAČUN I

NAČIN PLAĆANJA

Član 4.

Na osnovu Okvirnog sporazuma, Ugovorne strane će zaključiti pojedinačne Ugovore sa rokom važnosti ukupno do važnosti Okvirnog sporazuma, zavisno od interesa Ugovornih strana, a pod uslovima utvrđenim u Obavještenju o javnoj nabavci i tenderskom dokumentacijom i u skladu sa odredbama Zakona o obligacionim odnosima.

Član 5.

U obim roba iz člana 2. ovog Okvirnog sporazuma podrazumijevaju se robe po prihvaćenim cijenama sa uračunatim poreskim obavezama (Prema specifikaciji iz Obrasca za cijenu ponude i prihvaćenoj ponudi).

Ukupna vrijednost Okvirnog sporazuma iznosi 23.247,00 KM bez PDV-a.

Član 6.

Izvršilac se obavezuje da robu fakturiše istog dana kada je isporučio robu, na osnovu otpremnih dokumenata (otpremnica i sl.) potvrđenih od strane Ugovornog organa da je robu preuzeo.

Dobavljač je dužan isporučivati robu sukcesivno Ugovornom organu na osnovu dobivene narudžbenice i to po potpunoj isporuci robe iskazane na narudžbenici.

Izvršilac se obavezuje na nepromjenljivost ponuđenih cijena tokom cijelog ugovornog perioda, te naknadne izmjene neće biti moguće.

Ugovorni organ će plaćati fakture za isporučenu robu u roku do 30 (trideset) dana od nastanka obaveze iz stava (1) ovog člana.

Ugovorni organ neće preuzimati robu niti plaćati fakture ukoliko se iskaže razlika u količinama na fakturi, otpremnici i narudžbenici.

III ROK, MJESTO I NAČIN ISPORUKE ROBA

Član 7.

Izvršilac se obavezuje da će u skladu sa članom 2. i 5. ovog Okvirnog sporazuma isporučivati robu Ugovornom organu, u skladu sa potrebama i narudžbama iskazanim u pismenom obliku, i to u roku od 3 (tri) dana od prijema pismene narudžbenice. Ukoliko u toku trajanja Okvirnog sporazuma Izvršilac promjeni broj telefona i faksa, odmah je dužan pismenim putem obavijestiti Ugovorni organ.

Izvršilac se obavezuje dostaviti robu Ugovornom organu, propisanog kvaliteta, u traženim količinama i u dogovoreno vrijeme.

Izvršilac se obavezuje da će obezbijediti prioritet snadbijevanja robama koje su predmet Okvirnog sporazuma ugovornom organu i da će u svakom momentu imati posebno rezervisane količine roba koje su predmet Okvirnog sporazuma, nezavisno od situacije na tržištu.

Dobavljač je dužan dostaviti безусловnu bankovnu garanciju za uredno izvršenje Ugovora u roku od 8 (osam) kalendarskih dana od dana obostranog potpisivanja Ugovora u iznosu od 10% od vrijednosti ugovora, sa klauzulom plativo na prvi pisani poziv korisnika garancije i bez prava prigovora, sa rokom važnosti: rok izvršenja ugovornih obaveza + 60 dana.

Dobavljač je takođe dužan dostaviti garanciju za predmetnu opremu, te osigurati servis iste na teritoriji Bosne i Hercegovine (u slučaju kvara), samostalno ili u suradnji sa drugim ovlaštenim serviserom za obavljanje tehničkog servisa, dobavljač se takođe obavezuje da će se odazvati na hitnu intervenciju u roku od 24h od momenta prijema usmene ili pisane obavijesti od strane Ugovornog organa.

Mjesto isporuke roba: sjedište Ugovornog organa, ul. Dr. Mustafe Pintola 1/III u I.U. Zavod za javno zdravstvo Kantona Sarajevo.

Član 8.

Izvršilac se obavezuje da će isporuku robe koja je predmet Okvirnog sporazuma izvršiti u skladu sa zahtjevom Ugovornog organa i da će odmah postupiti po eventualnim primjedbama Ugovornog organa u pogledu nedostataka na ime kvaliteta izvršene nabavke.

Ugovorni organ je dužan da dostavi pismeno obavještenje o svakom navodnom propustu Izvršioca po Okvirnom sporazumu.

Ugovorni organ će utvrditi razuman rok za ispravku propusta Izvršioca u smislu izvršene nabavke i isporuke.

Član 9.

Izvršiocu se postavlja uslov da nema pravo da zapošljava, u svrhu izvršenja ovog Okvirnog sporazuma, fizička ili pravna lica koja su učestvovala u pripremi tenderske dokumentacije, ili su bila u svojstvu člana ili stručnog lica koja je angažovala Komisija za javne nabavke, nadležna za dodjelu ovog Okvirnog sporazuma, najmanje šest mjeseci po zaključenju istog.

Član 10.

Roba utvrđena ovim Okvirnim sporazumom mora biti u skladu sa tenderskom dokumentacijom i zahtjevima Ugovornog organa.

Ugovorni organ ima pravo stručnog kontroliranja kvalitete isporučene robe, a Izvršilac je u obavezi kontrolu omogućiti.

Član 11.

Ponuda Dobavljača br. 034/17 od 10.05.2017.godine, na temelju koje je sačinjen ovaj Okvirni sporazum, čini sastavni dio istog.

Član 12.

Ovaj Okvirni sporazum se zaključuje za ugovorni period od 12 (dvanaest) mjeseci, a najkasnije do zaključivanja novog sporazuma sa najpovoljnijim ponuđačem za naredni period.

U slučaju eventualnih primjedbi Ugovornog organa na kvalitet i količinu isporučene robe, Okvirni sporazum se može djelimično ili potpuno raskinuti i prije njegovog isteka, uz prethodno izmirenje svih obaveza utvrđenih po osnovu ovog Okvirnog sporazuma. Odredbe ovog Okvirnog sporazuma ne mogu se mijenjati nakon njegovog zaključenja.

UGOVORNE KAZNE I NAKNADA ŠTETE

Član 13.

U slučaju kašnjenja u isporuci roba, do kojeg je došlo krivicom odabranog Ponuđača, isti će platiti ugovornu kaznu u skladu sa Zakonom o obligacionim odnosima u iznosu od 1% naručene robe, za svaki dan kašnjenja do urednog ispunjenja, a najdalje 5 kalendarskih dana s tim da ukupan iznos ugovorene kazne ne može prijeći 10% od ukupno ugovorene vrijednosti robe koja je predmet narudžbe. Odabrani Ponuđač je dužan platiti ugovorenu kaznu u roku od 7 (sedam) dana od dana prijema zahtjeva za plaćanje od ugovornog organa, u protivnom Ugovorni organ će umanjiti fakturu za navedeni iznos.

Ugovorni organ neće naplatiti ugovorenu kaznu ukoliko je do kašnjenja došlo usljed više sile. Pod višom silom se podrazumjeva slučaj kada ispunjenje obaveze postane nemoguće zbog vanrednih vanjskih događaja na koje izabrani Ponuđač nije mogao uticati niti ih predvidjeti

Ukoliko Izvršilac na bilo koji način neuredno ispunjava preuzete ugovorne obaveze, a naročito u pogledu kvaliteta, kvantiteta roba i utvrđenih rokova, Ugovorni organ ima pravo raskida Okvirnog sporazuma i pravo da o trošku Izvršioca ustupi posao drugom Dobavljaču sa pravom naknade troškova uvođenja novog Dobavljača kao i pravo na naknadu mogućeg nastanka štete zbog neispunjenja Ugovorne obaveze.

V ZAVRŠNE ODREDBE

Član 14.

Eventualno nastale sporove pri realizaciji ovog Okvirnog sporazuma, ugovorne strane će rješavati mirnim putem, u protivnom, ugovara se nadležnost Suda u Sarajevu.

Član 15.

Svaka od ugovornih strana može otkazati ovaj Okvirni sporazum pismenim putem uz otkazni rok od 15 (petnaest) dana iz svih razloga propisanih Zakonom o obligacionim odnosima.

Član 16.

Za sve što nije regulisano ovim Okvirnim sporazumom, primjenjivaće se odredbe Zakona o obligacionim odnosima.

Član 17.

Ovaj Okvirni sporazum stupa na snagu danom potpisivanja obje ugovorne strane, a počinje se primjenjivati naredni dan, od dana dostavljanja bankovne garancije Ugovornom organu od strane Dobavljača.

Član 18.

Ovaj Okvirni sporazum je sačinjen u 4 (četiri) istovjetna primjerka,, od čega svaka ugovorna strana zadržava po 2 (dva) primjerka.

„CONNEXIT“ d.o.o.
SARAJEVO
DIREKTOR




(Benijamin Hadžalić)

Broj: 10-001 /17

Sarajevo, 01.06.17 godine .

J.U. ZAVOD ZA JAVNO ZDRAVSTVO
KANTONA SARAJEVO
DIREKTORICA



Dr med. sci. Snježana Balta, primarius

Broj: 05.12.100-2291-Okvirni sporazum/17

Sarajevo, 26.05.2017. godine.